

Bidarteko operazioa

Marchandek «beste zenbait ezuste» iragarri ditu datozen egunetarako

Pakito, Txelis eta Fiti Bordeleko polizi egoitzera eraman zituzten atzo

Philippe Marchand Frantziako Barne ministroak operazioa oraindik ez dela amaitu esan eta «beste ezuste batzuk» iragarri ditu. Igandean atxilotutako hamalau euskal herritarrek Poliziaren esku zueden atzo. Pakito, Txelis eta Fitipaldi ETako ustezko burukideak Bordelera eraman zituzten atzo.


M. ESTEBAN / BAIONA

Atzo goizean Baionako Polizia Judizialaren egoitzan atxilotuta zeuden euskal herritarrek beste komisaldegietara banatuak izan ziren, Ipar Euskal Herrian, zein ere Akitaniako hiri nagusian. Francisco Mujika Garmendia 'Artapalo', Jose Luis Alvarez Santacristina 'Txelis', Joseba Arregi Erostarbe 'Fitipaldi' Bordeleko Polizia Judizialaren egoitzara eraman zituztela jakin zen, hain zuzen atzo goizean.

Beste hamabiak Ipar Euskal Herrian zeuden, Baionako Polizia Judizialaren egoitzan baita, dirudienez, Donibane Lohizuneko komisaldegian. Atzo arratsan atxilotuak geratzen zirenak honako hauek ziren: Philippe Lassalle Astiz 40 urteko baionesa, Manuel Rodriguez 58 urteko donostiarrak, Peio Langou 30 urteko baionesa, Dolores Ramirez Berouet 39 urte Badajozekoa eta Lapurdiko Getarian bizi dena, Mathieu Tuya 51 urte eta bere anderea Maro Tuya Bidartekoak, Marc Marot, Bernadette Marot 50 urte Baionakoak, Marie Andrée Azurmendi, Michel Bouet eta Elianne Arlotte.

Atzo jakin ahal izan zenez, Mugica Garmendia 'Artapalo', Alvarez Santacristina 'Txelis' eta Arregi Erostarbe 'Fitipaldi' Bidarteko etxe batean atxilotu zituzten joan zen igandean, arratsaldeko 18.40etan. Hauekin batera atxilotuak izan ziren Manuel Rodriguez, Lassalle Astiz eta Langou. Tuya familia etxearen jabea ere harrapatuak izan zen bertan.

Tuyaren etxeak auzokoak di-



Pello Langu (erdian), Frantziako Poliziak igandean Bidarten atxilotutako bat.

✓ Pakito, Txelis eta Fitiren atxilotetak, Roger Leloir eta Laurence Levert epaileen agintapean utziak izan ziren atzo.

ren Marc eta Bernadette Marot ere atxilotu zituzten polizi operazio horretan. Dolores Ramirez Beroueti dagokionez, Getariako bere etxean atxilotua izan zen igandean arratsan eta etxea maitu zioten. Bestalde atzo goizean Baiona aldean, beste bi pertsona atxilotuak izan ziren, biak Hego Euskal Herrikoak. Horien ezizenak bakarrik ezagutuak ziren atzo arratsaldearen bukaeran: Txato eta Kaiku.

IGANDE GAUEKO OPERAZIOA Polizia Judizialaren ardurapean iragan zen Bidarteko operazioa, Pirinio Atlantiar departamenduko Roger Boslet Poliziako buru nagusiak zuzendurik. Alabaina, RAID Polizia zerbitzu bereziaren laguntzarekin burutuak izan ziren atxilotetak. Bidarteko etxeak auzolagun baten arabera: «Operazioa azkar iragan zen. Polizia asko zegoen, hainbat kamioi eta autoetarik atera zirenak. Poliziek aurpegian zapiak eta buruan kaskoak zaramaten eta beltzez bestituak ziren.

Poliziako iturrien arabera, «operazioa arazorik gabe iragan zen. Barnean zeudenak ez ziren oldartu». Poliziaren arabera arma eta dokumentazio batzuk aurki-

tuak izan ziren Bidarteko etxe horretan, hain zuzen «hiru pistola —bi 9 milimetroko parabellum eta 7,65 milimetroko bat, dokumentazio opari bat, dirua (libera eta pezetak) eta ordenagailu txiki bat beste ETako militanteek erabili ohi zutenen antzekoa».

Artapalo eta beste lagunen atxilotetak, Roger Leloir eta Laurence Levert epaileen esku utziak izan ziren atzo. Atzo ere jakin zen Madrilgo Gobernuak estradizioa eskatuko duela gutxienez Artapalorentzat. Frantzia

aldean, erreakzio positiboak entzun ziren Ipar Euskal Herrian iragan zen polizi operazioari buruz. Philippe Marchandek prentsari adierazi zionez: «Frantzia eta Espainiaren arteko elkarlana arrakastatsua da baina ez da erran behar atentatuak bururatuko direnik. ETaren aurkako gure joerarekin jarraitu behar dugu». Polizi operazioari buruz, Frantziako Barne ministroak ez zuen xehetasunik eman, Parisen atzo iragan zen prentsurrekoan: «Horrelako gauzetaz zenbat eta gutxiago erran hobe da» zioen. Frantziako Barne Ministroak gaineratu zituen hitzen arabera pentsa daiteke Poliziaren operazioek aurrera egingo dutela, «beste ezuste batzuk» gertatuko direla aditzera eman bait zuen.

Ardanzak «sendotasuna-ahultasuna» dialektika uzteko eskatu dio HBri

Z. ZAMAKOLA / BILBO

Jose Antonio Ardanza Euskal Autonomi Elkartearen lehendakariak «sendotasun eta ahultasuna dialektika alde batera uzteko» eskatu zion HBri, eta une honetan «Kongresua gainez gertatzen denaz gogoeta egin» beharko lukeela eritzi zion.

Frantziako Poliziak ustez ETako zuzendaritzako partaideak atxilotu zituela eta, EBBn sartu aurretik egindako adierazpenetan, Ardanzak abisatu zuen gertakizun «garrantzitsua» izanda ere ezin dela esan ETaren etorkizuna amaituta dagoenik. «Uste dut, orain kongresua gainez gertatzen dela, sendotasuna edo ahultasuna alde batera uzteko momentua dutela, eta kontutan izateko gauza bat: demokrazia

batean eta askatasuna dagoenean, bakoitzak daukan iritzieren indarra ez dagoela pistoletan edo odoletan edo indarkerian; indarra, azken batean, argudioetan eta boztoetan dagoela» esan zuen.

HB-KO MUNDUA URDURI DAGO ETako ustezko buruzagien atxilotetei lotuta, ukatu egin zuen horrek etapa berria ekarriko dionik euskal politikari. «Ez dago zalantzarik Artapalo atxilotzeak garrantzi handia duela. Azken urteotan jende guztia jakitun zegoen ETako buruzagia zela eta beraz berau eta ingurukoak atxilotzea garrantzitsua da. Halere —gaineratu zuen— norbaitek pentsatzen baidu honek ETako berahala suntsitzea ekarriko duela, oker dabil. ETA ez dago amaituta eta

Felipe Gonzalez:
«Notizia ona izan da guztiontzat»

MADRIL

Ustez ETako buruzagitzako kide direnak atxilotzea «notizia ona izan da guztiontzat» Felipe Gonzalez, Espainiako presidentearen esanetan. Operazioa «denbora luzean prestatutako lanaren ondorio» izan dela adierazi zuen. Zuhur azaldu zen Gonzalez eta Gobernuak orain arteko bidetik jarraituko duela ziurtatu zuen «seriotasunez eta handikeriarik gabe».

Felipe Gonzalezek, bestalde, Bidarteko operazioak ondorio asko izango dituela adierazi zuen «ez berehala agertzen diren horiek, baina dagoeneko sortzen ari dira eta jarraituko dutela espero dut».

ESTRADIZIO ESKAERA AZTERTZEN Espainiako Entzutegi Nazionalak ez du oraindik

igandean Frantziako Poliziak Bidarten atxilotutako euskal erre-fuxiatuen estradizio eskaerari buruzko erabakirik hartu. Jose Leopoldo Aranda fiskalburuak azaldu zuenez, instrukzio zentralako epaitegien euren aurka dauden sumarioak aztertzen ari dira.

Francisco Mujika Garmendiari dagokionean, Entzutegi Nazionalak hamabi sumariotan dauka prozesatuta, gehienak 'Argala' komandoari egotzitako ekintzen ingurukoak.

Jose Luis Alvarez Santacristina estraditzatzeko aukerak askoz ere murriztagoak dira, Entzutegi Nazionalak talde armatuko partaide izatearen salaketa baino ez bait dauka bere aurka, eta legehauste hau politikitzat jotzen duelako Justizia frantziarrak.

ez da egongo», adierazi zuen.

Horretaz gain, Gasteizko gobernuburuak ezeztatu egin zituen «HBko batzuek eman nahi duten inpresioa», alegia, atxilotetek ez dutela ezer aldarazi. Euskal erakunde armatuen aurrekoetan ere buruzagiak atxilotu eta berri-tzeak eman direla baietsi ondoren, «ezer ez dela gertatu esateko bestekorik ez da», erantsi zuen.

Donostiako HBko zinegotziek kaleratutako oharren gainez, lehendakari jeltzaleak esan zuen esateko «gauza asko» dituen arren, nahiago duela ezer ez esatea. «Uste dut HB eta hor inguruan dagoen mundu hori oso urduri dagoela eta momentu honetan, akaso, urduritasunak alde batetik eta presioak bestetik, edozein astakeria esatera bultzatzen», baietsi zuen.

IBARRAKO UZTURPE IKASTOLA

APIRILAREN letik hasi eta 10a bitartean, 1992-93 ikasturterako matrikula epea irekita egongo da.

MAILAK: 2 urtetako gela, Haur Hezkuntza eta O.H.O.

MATRIKULA formalizatze: Herriko plazako bulegoan, goizeko 11etatik 12.30era. **Tf:** (943) 67 12 99